


47

HARVARD COLLEGE LIBRARY  
FROM THE  
HARVARD-YENCHING  
INSTITUTE  
DEC 28 1929

~~Ch L 5570.6.3360~~

T 5237.6.3360







高尚書克恭

克恭字彥敬其先西域人後居燕之房山



出為江浙行省左右司郎中大德初為御史官至刑部  
侍郎卒追贈刑部尚書諡文簡彥敬好作墨竹画山水  
初用二米法寫林巒煙雨晚更出入董北苑每不輕於  
著筆遇酒酣興發或好友在前雜取縑楮研墨揮豪乘  
快為之神施鬼設不可端倪趙松雪詩有國朝名筆誰  
第一尚書醉後妙無敵之句卒後購其遺墨者一紙率  
千百緡自號房山老人因皆稱曰高房山為詩不尚鉤  
棘自得天趣柳道傳嘗謂高公畫入能品故其詩神超  
韻勝如王摩詰在輞川李伯時泊皖口舟中思與境會  
脫口成章自有一種奇秀之氣其画中題句如木落秋  
宇空天寒遠山靜峭寒留剩雪莫影入濃雲雲氣外無



四百七十八  
出路水聲中有人家冷光濕翠相搏處曾向廬山月下  
來青山萬疊雲無屋中有仙人問月臺具有妙思故并  
錄之

至正己亥四月廿二日宿翠峰禪室登留雲閣數日  
與淨蓮公

米老天機清夢入煙雲窟山河大地影玻瓈鏡中出任自選  
勝場莫浪翻墨汁今于西湖濱割取南半壁

岳陽樓

九水匯荆楚一樓名古今地連衡岳勝山壓洞庭深宿鴈落  
前浦曉猿啼遠林倚闌搔白首空抱致君心

題管夫人竹窩圖

雲梢露葉秋聲古萬玉叢深翠蛟舞此君擬結歲寒盟拄笏  
相看立煙雨過雨山窗斜映日帶煙霜節總宜秋凍雷迸出

千崖翠勒此高歌傲素侯

題怡樂堂為贈善夫良友

君家華堂號怡樂已見簷楹佳致作時張圖畫翫江山晴敞  
窗櫺詠風月有書教子知義方有席延賓酬竿觴天壤不知  
更何樂松門醉倚看斜陽

倣老米雲山圖

一作秋山  
暮靄圖

青山半晴雨遙一作色現行雲底佛髻欲爭妍政恐勤梳洗  
松濤軒題畫為鄧善之

春雨欲晴時山光弄煙翠林間有高人笑語落天外  
靜觀閣早興寄懷善之先生

君官近九列我畫將二米不虛五年別勝進各如此  
種筆亭題畫

積雨暗林屋晚峰晴露巔扁舟入蘋渚浮動一谿煙



過京口 以下七首見水邨圖卷

北來朋友不如鴻幾箇西飛幾箇東多少登臨舊臺觀闌干  
閒在夕陽中

過信州 一作題陽臺道中

二千里地佳山水 一作好耕桑 無數海棠官道傍風送落紅攬馬過

春風更比路人忙 王士熙云房山樂府有云吳山青越山青兩岸青山相送迎絕句云無限飛紅隨馬足春光更比路人忙大有唐人意度

過弋陽

雷聲驅雨過山西山腹雲根似削齊日莫牧兒歸不得料應  
白水漲前溪

拍洪樓

仰有嵐光俯有溪軒窗初不計東西雲峰兩岫安排定松竹  
林林自整齊

山腰澗曲繞短垣百怪老樹龍蛇蜿山翁有時抱琴至雪霽  
月明開此軒

滿目雲山樓

溪頭白鷺來相安溪上紅桃雨打殘滿目雲山為誰好一川  
晴色上樓看

即事

古木陰中生白煙忽從石上見流泉閒隨委 一作屈 曲尋源去直  
到人家竹塢邊 大德八年夏五還自江西過虎丘舟中子敬攜此卷見示俗客以惡酒相撓情况構詩不成遂書途中所作少答雅意房山高克恭

贈英上人

為愛吟詩嬾坐禪五湖歸買釣魚船他時如覓雲蹤跡不是  
梅邊即水邊

題道院二首

綠陰無際壓蒼苔為愛幽深手自栽風月早知煩耳目不教



三五四十五  
春筍過牆來

草色琅玕逼兩楹  
早陰才過午  
陰清斜陽又送西  
軒影一就移牀待月生

無錫山中留題

山深自昔無車馬  
道在何曾畏虎狼  
祇恐閒人來看竹  
淋漓醉墨污新牆

夜山圖

萬松嶺畔中秋夜  
况是樓居最上方  
一片江山果奇絕  
却看明月似尋常

趙子昂為袁清容畫春景倣小李

春林如染綴溪容  
幾處幽居倚碧峰  
不是兩翁情話久  
白雲深杳未能逢

元學士明善

明善字復初大名清河人讀書過目輒記尤深於春秋弱冠游吳中浙東使者薦為安豐建康兩學正累辟掾臺省坐誣免僑寓淮南仁宗居東宮首擢太子文學及即位改翰林待制陞直學士知制誥同脩國史遷侍讀學士延祐間改禮部尚書擢參議中書省事復入翰林歲終拜湖廣行省參知政事召為集賢侍讀學士進翰林學士至治二年卒于位年五十四贈資善大夫河南行省左丞追封清河郡公諡文敏復初早以文章自豪晚益精詣吳伯清稱其文脫去時流畦徑而追古作者之遺馬伯庸亦謂公文刻而不見其迹新而必自己出蔚乎其華敷鏘乎其古聲倡古學於當世為一代之文宗者柳城姚燧暨公而已初復初在江西金陵每與虞



伯生劇論相得甚驩至京師乃復不能相下真人吳閑  
 閑與復初交尤密嘗求作文既成謂閑閑曰伯生見吾  
 文必有譏彈為吾治具招伯生來觀之明日伯生至復  
 初出文問何如伯生曰公能從集言去百有餘字則可  
 傳矣復初即泚筆屬伯生凡刪百二十字而文益精當  
 復初大喜乃驩好如初伯生亦嘗謂復初文章發揚蹈  
 厲藐視秦漢云

跋南岳壽寧觀碑後

朱陵靈臺天柱巍太虛空一作寶洞綠煙扉上館赤帝朱鳥飛祝  
 融宅南參與一作為旗羲娥兩曜愁蔽虧象緯冷逼嗟位迷四觀  
 燕吳與秦齊恒嵩泰華孰崇卑五氣順布百志熙流祥阜物  
 宣后祇雨風露雷豈其私惠爾下土尸者誰中有異人餐玉  
 赤一作芝夜眠秋霞晝天倪衣以青雲裳白霓風車八極參一作兩

螭七十二峰足幽棲琳宮貝闕輝陸離潛光煉魄如嬰兒火  
 丹入咽無渴飢誰其思之吳宗師神變倏忽方張施泠然御  
 風渺何之太君歲晏嘉予期千秋萬歲受鴻釐皇圖景運永  
 以丕手持芙蓉朝紫微旋飈天闔此來歸彰靈荅貺達爾垂  
 磨崖鐫我瑤華碑

題息齋墨竹圖 并序

已酉秋玄卿道提舉求賦墨竹詩走筆快書子昂仲賓  
 見之當大笑其狂也

玄卿口哦子昂詩手持仲賓墨竹枝此詩此畫真兩奇似為  
 玄卿寫幽姿日光不下雲扃暗元氣歛忽寒人肌楓林青青  
 少陵夢無乃澤畔逢湘纍楚江小月晃初夜淇園苦雨秋竹  
 迷二妃彈瑟淚如雨幽壑龍潛春欲飛天路迢迢獨後來黑  
 雨挾風山鬼啼老氣盤空根徹泉地靈上訴玄冥悲摩挲老



眼久知畫恍然吾與物移揮杯三叫我非狂墨瀋翻江江竹辭

題天冠山

仙翁昔住天冠山夜呵鬼神衛爐丹丹成飛去杳不還藥池丹井猶山間翩翩學子鳴一作風佩環華棖巨麗青雲端思玄尋躅果安訪鶴歸月落前溪灣

寄直夫

嶽雲低接使君舟湘水無波桂樹稠井冽自涵千古月絃清誰寫一簾秋青楓路暗空多夢白鴈天遙不見愁聞說匡廬當稅駕策勳殊未到滄洲

寄翰苑諸公

蒼煙綠樹滿汀沙負手行吟日又斜江水有時窮地脈海雲何處是天涯生前幾醉尊中酒夢裏曾乘海上查惆悵懷人重回首晚風吹盡紫薇花

書湖廣省中壁

鼎湖龍去欲無天臣抱烏號淚作泉四海重瞻堯日月萬年長履禹山川恩波浩蕩霑民物文運休明屬聖賢竊祿四朝無寸補何堪西掖進經筵

京師送玉虛宗師還山

句曲山高奠楚氛神仙初祖大茅君遙天歸鶴盤秋月幽壑潛蛟唵夜雲丹鼎神光松桂室酒壺春色澗溪芹一從待詔西清閣石髮梳香得夢聞

送湖南李直夫憲使

君去湖南我上京思君欲見又蕪城滄波留月能歸海江雁拖雲不到衡一代豪華誰遠識百年驚畏護靈名好來不作男兒事有水可漁山可耕



送董慎齋左丞討賊

負劔先驅意氣閑也勝局躋著儒冠古來每說從軍樂此去  
不辭行路難使節再臨民志定兵鋒一舉賊心寒書生奮力  
效馳逐要寫功名久遠看

次韻危虛室過居庸

一山萬里限中原神鑿居庸百二川峰勢陡回愁障日地形  
高出欲捫天風沙漠漠龍庭遠雲物沈沈鳥道穿眼底興亡  
誰解寫石琴秋水學冰絃

謁先主廟二首

合散扶傾老益堅荒祠重過為悽然君臣灑落知無恨庸蜀  
崎嶇亦可憐一縣山陽堯故事三年章武魏長編錦官羽葆  
今何處半夜樓桑叫杜鵑

一軍南北幾扶傷長坂安行氣已王豪傑盡思為漢用江山  
初不假吳強兩朝元老心雖壯再世中興事可常寂寞永安  
宮畔土爭教安樂似山陽

祖孝子求母詩

冷月酸風夜長年聞哭聲母今猶在隸兒亦欲無生岐路固  
多阻人神孚至情相逢還細認悲喜此時併

介春堂

真常真人若冰雪大年夜食清溪月誰知袖裏閔初陽散作  
玄元春滿堂髯龍宵吼石壇秋老竹風生翻陸江天籟已沈  
羣妙集隱几塔然今坐忘雲扃不鑰瞰虛白揮謝萬象俱行  
客



張侍講伯淳

伯淳字師道杭州崇德人少善書法宋末應童子科  
宗命給巨筆大紙寫之伯淳書天字在紙中間以進詰  
之對曰惟天為大惟堯則之宗喜遂中選尋舉進士  
累除太學錄元至元二十三年用薦者言授杭州路儒  
學教授遷浙東道按察司知事二十八年擢福建廉訪  
司知事歲餘召至闕下論事數十條皆當世急務辭意  
剴切世祖為之動容命至政事堂將重用之固辭授翰  
林直學士謁告歸授慶元路總管府治中大德四年即  
家拜侍講學士明年造朝扈從上都又明年卒謚文穆  
師道稱趙魏公益頰為內弟與巴西鄧文原同直詞林  
情義款洽文原嘗謂師道為文恥尚鉤棘而春容紆餘  
鏗乎如金石之交奏然不喜以藻翰自能歿後無成橐



其子河東宣慰副使采長孫武康縣尹炯訪求遺逸釐  
為十卷蜀郡虞集為序刊之右塾時至正六年也

延祥餞夢符行

古文重氣誼不為勢位隔會少別離多志士深所惜驄馬東  
南來來莫去何亟留連苦無計杯酒聊永日絕嫌城市喧一  
舸訪荒寂孤山芳意歇青子漸堪摘淒淒風雨橫黯黯楊柳  
碧天公豈有意助我動秋色重來定何時慰此長相憶

題董承旨野莊圖

古人志道義但覺利祿輕朝市亦足隱何必求郊坰論心不  
論迹乃稱人物評董公廊廟器一門富簪纓石張漢世曹崔  
郭唐家聲筆下翻波瀾胷中韜甲兵黃閣政柄舉烏臺公道  
行征謀與治法和氣與威稜隨施無不宜因物以賦形詞林  
日月間班高地望清公餘埽俗軌窗草階苔青樓臺雖無地  
詩禮勝金籟田園雖荒薄松菊還欣榮有詩論國事膽張目  
增明使公遯江湖秉心亦朝廷所志真在隱非必身歸耕野  
莊視綠野他年定齊名

題程雪樓黃庭經

雪樓之中有至人手持一卷黃庭經閒居無事心太平審能  
行之可長生鼠須吐英玉螭蟠山陰書仙脫塵凡傳之琬琰  
堅且完拓以繭素資陳玄白黑粲粲久可觀雙瞳炯炯常疑  
注天君泰定歸俗慮自然神全守深固門中五城十二樓粉  
黛當前身之蝨被服黃庭急回頭長生之方勿外求古今日  
月車兩輪昆侖蓬萊無晨昏深藏中筒培靈根君能寶之可  
長生

按師道古詩殊少合作集中尚有題鮮于伯機所藏黃庭經七言一首語氣較古健及  
閱松雪集乃知子昂作也因致孫元理元音劉大彬茅山志亦俱作子昂其為編詩者  
誤入無疑  
故不錄入



五百  
元詩選  
挽楊忠齋

五年新名綽六館舊儒冠  
粉社年來好棠陰種處難家貧書  
簾富居隘酒尊寬郡府多咨問  
閭閻遂安安少游鄉譽藹老  
杜士心歡盤屈千軍筆遲回四品官  
使車將秣馬仙馭已鞭  
鸞憶昔親師範論文在歲寒  
離羣雖苦早為善每相觀頃日  
留班著臨風欠羽翰嗣音無間斷  
滿紙話辛酸歸恨幽明隔  
時將簡牘看殊方悲宿草餘慶屬  
庭蘭身世誰能駐聲名死不  
涉江傳楚些有淚濕豪端

贈彭萊山

總是江南倦客君平到處生涯老  
去黃塵沒馬襟期付與鸞  
花

病齒二首

蕭蕭一室老維摩風日佳時電影過  
病裏不分春早晚子規  
啼處夕陽多

宿有愆尤在齒牙閉門經月卧沈疴  
杏園舊夢還重醒無奈  
紅綾餅餡何

山居

兀兀山居覺日長舊時松檟又成行  
本無世慮何須遣一縷  
晴窗柏子香

為范君澤賦梅屋

壑谷周遭萬玉妃當時茅舍映疎籬  
祇今便作槐堂看不問  
南枝與北枝

題單吉甫攜示江孝鄉書卷

單君昔佐吾鄉幕垂去還如到郡初  
今日都門重晤語筐中  
惟貯古人書

蕭蘭英



翠裹腰肢絳點脣楚蘭買斷四時春  
丁寧莫向游塵老却顧  
蕭郎是後身

寄蔡復齋二首

美人秋水隔丰標老樹陰森鎖畫橋  
幾度經過須棧櫂不緣  
茅店酒旗招

夜雨西窗銛歲寒雲萍自昔聚時難  
殷勤不在同衾處長作  
西窗夜雨看

舞馬圖

獨立天衢骨相奇縑緗猶記寫真時  
開元天寶今陳迹舞破  
中原馬不知

洗馬圖

蕭蕭霧鬣與風駿撲面征塵一洗空  
相願倍增神駿氣恍疑  
初在渥洼中

楊柳邨

千絲萬縷拂章臺陌上行人幾去來  
何事結根荒寂處東風  
青眼爲誰開

皇甫松竹梅圖

三友真真歲晚時政緣冷澹易相知  
何須近舍今皇甫却向  
圖中覓補之

錢舜舉青驄圖

翠鬣朱纓骨相殊貢來名種出單于  
唐韓宋李都休論且看  
錢家進馬圖

送李公略

風雪滿吟鞍長江望眼寬宦情騰踏易  
聚久別離難人去鶴  
應怨冬深梅不寒莫雲依舊碧幾度倚闌干

與劉伯宣



三乃六十四  
元言選  
屈指六年別關心萬里長重來深願見久病欲相忘風物隨  
人老秋光似舊香公門桃李滿多媿一莊荒

送張永錫

臺閣文書靜相過眼倍明澹文還有遠別若為情行色隨  
秋薄扁舟載月輕書郵如可寄休付石頭城

赴浙東

涉水是東州江南記舊游中年偏苦別薄宦欲何求岸北雪  
仍在嶺頭雲未收陰晴元不定且泛剡溪舟

送嶧山鄧同知

鄧君名譜系解后軟紅間解組郵京闕題輿向嶧山秋清行  
色好地僻宦情閒已熟雲霄路何時報政還

次韻安野內翰梨花

玄景窮陰候春林早著花素妝臨曉鏡紅粉浣輕紗勝賞懷  
京洛吟情軼永嘉泥中妨載酒咫尺路頭賒

送陳仲孚赴天台教諭

除書出紫微百里較增輝又趣橫經去應如衣錦歸鄉粉迷  
驛柳泮藻勝山薇問訊諸親友秋高鴈字稀

贈富翠屏

人海偶相逢淒涼共客中笑談良不惡去住若為同春草池  
塘夜梨花院落風鄉人如問訊即此是詩筒

挽趙太監

貴宦猶韋布能聲在薦紳當時供奉曲晚歲義熙人白首屢  
間隱黃梁夢裏身階庭珠樹密曾不染微塵

挽張梅軒

每侍吾兄話鄉閭稱善人未華班武舊阜蓋姓名新巖壑何  
曾老階庭總是春梅花香韻歇雲黯浙江濱



挽鮮于伯機二首

福星推迺祖濟美舊家聲浙水分鄉社湖山合墓塋詞華推  
哲匠幕府負平生猶想池亭上高談座傾  
廿載論稔閒中屢盍簪北來凝望眼西報歸音好空  
遺墨人亡不問琴幽明從此隔庭樹看成陰

送王廷用

滿城風雨怕催租賴有諸賢素望孚農邑載頒新號令昆陵  
猶頌舊規模江山入眼馬蹄疾南北關情鴈影孤客裏不堪  
斟別酒夢隨流水到西湖

送林德隱

同年君是早歸人多羨乾坤自在身客舍歌殘朝雨後扁舟  
興盡雪溪濱淵明入社何妨酒摩詰懷鄉祇為親若會東州  
諸故舊莫將羊酪配羹蓴

寒食

春雨松楸望眼餘春城楊柳舞腰斜四千里地江南客五百  
風光陌上車兒為歸遲稀遣信僕多愠見苦思家公餘少慰  
淒涼意蓓蕾一枝紅杏花

洪同僉座上次韻

萬里同晴八月秋耆英想像洛中游相逢筆底翻三峽共詫  
人間有十洲舞袖卷回雲又過禁鍾催散月還留將詩酬酒  
吾何敢早已輸公第一籌

寄柳老

旅食京華兩載同錢唐解后苦怱怱曾將漫刺投鈴下又報  
危檣過浙東天闊雲飛俱莫景雪凝冰泮易春風關情總在  
闌干曲明月雙溪徙倚中

共北樓



縹緲樓臺十二闌舉頭人在鳳池班天風不隔尋常眼辰極  
長依咫尺天更點分明關政事規模雄麗厭江山東南民物  
瞻堯日乞得餘光萬里還

贈趙治中

要教嶺海瘴塵清膽氣凌空身可輕北闕肆頒溫詔語南州  
欣見老書生馬卿諭蜀惟傳檄裴相平淮不  
還未竟秋香晚節是功名

贈王元帥

奇絕曾聞海外游瘴鄉安適等中州六韜三略傳書出二廣  
重湖宦轍周廣將來從元帥府杜陵吟到岳陽樓公餘莫恨  
登臨少民瘼須將念慮求

送宣使趨省

百里棲遲別駕才好風飛下鶴書催扁舟揚子江頭去兩鴈  
禦兒溪上來驛路相望秋月照邦人專待使星回臨岐不作  
陽關想聊寫心期付酒杯

次韻

客中歲晚正天寒幾度行藏獨倚闌窗眼奏竽風借隙檐牙  
間玉雪留殘同門合志成三益剪燭論文羨二難空作孤山  
香影夢此君相對祇蒼官

送張孝先

萬人海裏得吾宗傾蓋論文冷澹中快觀冰壺映寒露又催  
霧鬣趁秋風鳳皇悞喜臺如昨猿鶴才知帳已空折柳津頭  
重回首莫雲碧處是江東

送王中丞

學海波源識老龍人生聚散苦怱怱愛閒易得過從嬾臨別  
還將姓字通白簡絳騶凌曉色空城故國鎖秋風當年宦譜



傳江左勲業憑高指顧中

送王御史

客裏忘形足笑歌西風吹恨落庭柯不隨遠別情懷惡况是  
中年感慨多熟路馬蹄偏馭駮舊時鴈角轉嵯峨從今側耳  
朝陽鳳時借餘輝到澗阿

送趙壽卿赴廣西書吏

客中尊酒足清歡驄馬驚飛白鷺間向上儘多清步武極南  
更有好溪山扁舟桂海冰天處健筆紅蓮綠水間人到中年  
偏惜別不禁對雨聽陽關

送劉光裔

客裏相逢意味投自憐無地可依劉及民不問官高下奉檄  
難從我去留春事已隨流水逝湖光未卜幾時遊悠悠千里  
共明月別後相思付倚樓

送趙懷玉

倚門白髮望悠悠全辟言歸古冀州喜色不緣毛義檄壯心  
欲效子長游幾年湖海滋吟筆萬里風霜入敝裘臨別莫爲  
兒女語琴書滿載更何求

送王耕存使日本

要將談笑息兵端此舉能爲世所難數日南風傳號令一時  
東海識衣冠人言蘇武持旄去我作康功買磬看名遂願公  
身早退送行不特勸加餐

題楊墳

爲求閒曠訪雲林觸目  
都上心澗水似鳴千古恨墓門  
空鎖一庭陰穹碑短碣摩挲久舊草寒煙感慨深青眼主人  
山共碧杖藜何日重登臨

呈田副使移治平江



四  
三  
年  
心  
事  
付  
西  
湖  
門  
外  
遊  
塵  
一  
點  
無  
已  
報  
紕  
泥  
來  
北  
闕  
暫  
移  
翠  
節  
過  
東  
吳  
城  
狐  
膽  
落  
秋  
霜  
凜  
枝  
鵲  
情  
深  
夜  
月  
孤  
歌  
罷  
陽  
關  
重  
回  
首  
澹  
雲  
斜  
照  
落  
平  
蕪

送廉僉事

憲府清秋易地開  
天移明月過蘇臺  
行裝拍塞惟詩卷  
祖帳殷勤付酒杯  
才大便應黃閣去  
政繁須待繡衣來  
縣知別後相思處  
極目長空鴈影回

次韻完顏經歷

半年傲兀客羶寒  
多媿侏儒蠹縣官  
飲少獨憐書味好  
愁多不覺帶圍寬  
從教蒼狗浮雲過  
留得黃花晚節看  
但借餘光聊自佚  
終無夢想到登壇

次韻光裔

為民那肯為身謀  
歲月蹉跎志士羞  
砌下有蛩還促織  
眼前

何草解忘憂  
湖光收入千軍筆  
世事催成兩鬢秋  
但願豐年同一飽  
巴歛正不減齊謳

按道古詩語意膚淺近體率皆應酬之作全篇殊不足觀而佳句頗多如簡張疇齋云白髮游塵裏黃花過雨餘出郊云瘦筇支子于狹路寫之玄壽張右丞云春意偏于天上早月華長似夜來圓次韻雪澗兄云身疑夢裏同清境喜到眉間展碧峰送王士能赴衢州同知云纔從國子先生出曾是分司御史來送顧東園云一廉宜得能官譽垂去還如始至時送張可與參政云不日可承三接寵此官已載十年遲賈氏望梅樓云曾觀海者難為水自出山來無此遊送張從之臺郎云幕中頗見此客不江左喧傳某掾來覺意深語健耐人吟諷也

楞伽古木

楞伽古木山門前  
下有山石摩蒼天  
道林卓錫舊種此  
髣髴于今八百年  
皴皮剝腹不自愛  
猶是童童一車蓋  
矯然化作龍虎蟠  
勁節不為霜雪改  
或時孤高烈風起  
蒼茫白日雷雨至  
從容下蔭數百人  
赤金六月流清氣  
卷曲擁腫也可憐  
天賦楞散終天全  
道林不世骨已朽  
人間歲月何足言

題趙子固水仙圖



二五七十一  
裙長帶裊寒偏耐玉質金相密更奇見画如花花似画西興  
耀先  
渡口晚晴時

陳僉事思濟

思濟字濟民號秋岡柘城人以才器見稱於時輩世祖  
在潜邸聞其名召備顧問即位始建省部俾掌敷奏姚  
樞許衡皆器重之除右司都事從中書廉希憲行省山  
東未幾召還遷同知高唐州入拜監察御史出知沁州  
遷同知紹興路總管轉同知兩浙都轉運司調陝西漢  
中道按察副使丁母憂去官服除授同知浙東道宣慰  
司事歷兩淮都轉運使擢嶺北湖南道廉訪改池州總  
管累遷中議大夫僉河南江北等處行中書省事大德  
五年卒年七十贈正議大夫吏部尚書上輕車都尉追  
封潁川郡侯謚文肅有詩集若干卷虞伯生為之序曰  
秋岡先生平生文章之出沛如泉原之發揮而波瀾之  
無津辭如風雲之變化而舒卷之無迹孫廣東廉訪使



允文手自校儲梓而藏之

題趙德輝宣慰代友人償債卷

人以利為利利等丘山高能以義為利其利輕鴻毛偉哉趙  
使君重義輕幣刀周急乃君子而況同氣交交游負宿債代  
償曾不勞錐刀抵死競紛紛笑兒曹義風久不作千載空寥  
寥佳聲足傳播復有御史謠余時亦安用但續金之貂尚願  
君侯心推之及蓬蒿又願君侯位鈞衡早持操躋民富壽域  
永永無逋逃

送盧處道提刑陝西

繡衣直指上長安白簡風生吏膽寒三輔輿情應日望九秋  
一鷄上霄搏吟邊嵩華雲間供画裏周秦馬上看到後相逢  
李夫子謂余白髮已闌干

寄沁州玄都觀張漢卿

為問張卿自別離桃花幾度發新枝玄都宮闕連霄漢故國  
山川入夢思雪屋未忘餐豆粥晴窗曾看理瑤絲而今髮白  
朱顏改只有新詩似舊時

漱石亭和段超宗韻

風波萬頃一官微羨殺田家豆粥稀後日秋岡岡上去樹腰  
移榻轉斜暉

移官淮東別杭州

湖上雲烟百態新湖邊幽趣屬閒身春風楊子江頭路白首  
行人又問津

發南康赴江州

繡斧重持白髮翁路人猶說宦情濃一帆又下潯陽去羨殺  
雲間五老峰

寄陳處士



杏桃落盡清明後姚魏開時穀雨中為問西湖陳處士青梅  
煮酒有誰同

惜花

長恐花殘漫欲狂千回百匝繞花傍高張翠幄朱闌護山雨  
溪風未易防

湖中醉呈崔郎中

杭州城西天下無水晶盤裏青珊瑚江山勝槩乃如此醉筆  
走呈崔大夫

寄沁州史長老

舊時行縣到金田曾向禪窗借榻眠別後小詩聊寄問龕燈  
還有幾人傳

盧待制亘

亘字彥威汲郡人幼即穎悟日記數千言自經傳史漢  
諸子皆成誦其為文初若不經意徐而讀之雄辭逸氣  
真足以追古作者而尤工於詩一時名流多宗尚之元  
貞間以擬著滕王閣記受知姚牧菴薦為國史院編修  
官時年二十四遷應奉翰林文字辭職省親河南及丁  
父憂服闋除翰林修撰尋除待制卒嘗著藏書記云余  
少年輕脫喜爽邁不樂沈靜或天日清淑時入書室巡  
架而視抽所喜讀書按文疾讀校之他人章分句析而  
余數十卷已過目矣雖不能窮神入妙而欣然會心略  
無滯礙翛然如登千尺之臺憑虛縱覽草木人物可指  
而數杳如夜入空山秋高月朗而絲竹清越倏起數步  
之內無首無尾而宮徵可辨故讀雖不多而自悟不少



五  
至不喜讀者雖世共指以為切要而余未嘗一過目焉  
蔣師文皇元風雅述其自序如此

送侍講學士鄧善之辭官還錢塘一作送鄧善之提舉江浙十首

北門古深嚴論思寄籌度自非鴻才士一作世訓誥何由作夫君

出巴蜀文采動京洛十年掌絲綸擣藻揚景鑠荆璞抱瑾瑜

龍淵淬鋒鏑肯獻上林賦寧居天祿閣即今觀浙江春戀睇

金雀黃圖鬱紫氛絳節生一作森碧落依然難為情清霜養一作卷飛

藿

春秋嚴筆削凜若執玄鉞君獨抱遺經結髮飽剗剗明剖是

非心微探義理窟下視羣兒愚爭端王正月竭來奮直筆浩

然心思竭一作絕王功與帝德昭昭日月揭胡為厭詞林南一作擬欲

觀溟渤榮華若浮烟汗簡青不滅

詞林富聲華幾人得精悍悠悠二百年篇翰孰承續夫君清

廟器裸薦盛圭瓚五就惜繇纓九旂載雲罕依依風向翔忽

忽月新滿泠然時雨情一作晴短章不可斷

風雨妒芳華稂莠深嘉穀天地豈不仁盛德稟命獨明廷萃

羣英四門延穆穆既卜渭水釣又起傅巖築聲華何爰業衆

輻輳一轂鑿坡儼清韻碩人歌在軸願言往從之星駕命宜

夙豈知彼玄鳥戢翼辭雲屋幸無素絲悲庶免窮途哭

離離天星高皓皓雲月光候鴈過楚澤蟋蟀鳴中堂天時諒

難測徒然多感傷念子去意遠沈憂結衷腸憶昔初奉歡露

白春蘭芳清尊罷新製妙趣深濠梁飛景急西匿川流浩湯

湯玄髮淒歲晚木脫天兩霜蔓草豈容惜松柏在高岡

翰林子元子武庫森戈矛英聲邁千古逸韻橫九州與君契

金蘭投分何綢繆清和謝夷惠典刑追韓歐坐令人文煥允

塞昭王猷念君獨遠邁寥落行人愁木瘦楚山曉風靜寒江



五十三  
流何當駕飛車却憶昆侖丘塵埃滿腥腐朝莫同蟬蛸  
暘谷上寒日影射扶桑枝瞬息及中天流光迅難持人生百  
年內昂昂何所施孤鴻東南征浮雲西北馳可憐萬感身會  
合須臾期安得弄明月皎皎遠憂疑折花芙蓉浦蕩槳江潢  
涯優游以卒歲身名良不墮

游雲蒼鱗穹閭闔不可叫徒令虎豹關日月近輝耀濛濛八  
表塵隱隱萬彙竅泯然一歸途伊誰執其要栖栖聖者徒禮  
樂懷幻眇閉門忍朝飢風雨深蓬蓼今年江海去光景短螢  
爝禾黍滿故墟閭巷餘返照揮絃送飛鴻古今入長嘯

昔我適吳會日夕承歡顏高堂樂起舞綵服何徧爛東海洶  
波濤西湖翠烟鬟北歸餘十年謬蹟通朝班家禍一朝集音  
容何可攀悲號蒼穹迴往事思日艱命窮時亦迫志弱體自  
辱安得騰化術從君超人寰執手不忍訣臨風涕空潛

我留君勿思君歸我當憶十年膠在漆一旦各異域吳江激  
微波震澤起暝色鷗鵬隔天地雁鴛雜南北念我平生友愴  
恨摧胸臆獨看燕山雲歲莫日初吳永言長風翔情寄南風  
翼

和閻子濟韻二首

愁憂無端來有巧不容措平生兔三窟挂網不知懼君子事  
明哲爲善天下妒俯仰無愧怍於以理世務禍罹忽然至不  
幸我豈惡所以終百年任運恒優裕哀哉古屈子死豈忠貞  
誤委質復潔身讒口焉得汙

神仙冰雪姿方丈難企覲清高絕塵上亦藉波濤險世人空  
想像年歲虛荏苒秦皇與漢武鬢雪不可染猖狂遺餘恨略  
得筆舌貶君看唐虞聖聞君衽猶歛

題張國綱理問塞河詩卷



導河積石堯解憂滔天之水成安流何年決鬻半南土清淮  
 怒卷黃雲愁宣房既築漢歌喜越巫抱壁神光起害除梁楚  
 二渠成海溢西南九河死後來羣策知誰賢何人捧土能防  
 川彭城樓堞照黃土河平堰石愁金天吾皇放勳超萬古澤  
 世餘功平水土睢陽塞決付賢侯解變狂瀾作安堵于今此  
 功寧復有從容小試經綸手千年遺愛在邦民春風吹水濃  
 如酒

送李應中檢校江西

故人昔御南風來今年便逐輕鴻去短亭古堠不記人依舊  
 青天覆長路馬鳴日落風蕭蕭九月飛霜催柳條出門相顧  
 仰天笑胷中直氣干雲霄莫恨江山連百越自有清游醒詩  
 骨都將萬事付無心徐孺亭前釣秋月

讀王維夷門歌盡述侯嬴朱亥之事今春侍大人官

汴省得以周覽城郭而遺臺廢圃往往瓦礫山積所  
 謂夷門者不可復識其處而嬴亥遺迹無知之者千  
 數百年於此矣用其意作歌續其後大德甲辰歲也  
 憶昔詞客歌夷門七雄爭戰紛如雲信陵盜符侯嬴死鐵鎚  
 擊碎邯鄲軍後來誰震關河響五季相乘如反掌當年意氣  
 作飛烟空餘朽骨埋黃壤宋家九葉二百秋仁涵義染還生  
 羞壽山穹窿九州哭獨有遺民恨銷骨易水南流汴水清黃  
 河不洗中原兵天戈一指八紘舉四海無波日月明雄臺屹  
 立天垣近夔皋繼出扶皇運桑陰蔽日麥連雲坐看龔黃清  
 列郡我來喜遇春如海瓦礫生烟變光彩紅塵撲面人不知  
 獨過屠門弔朱亥

題四皓圖

姬昌聖瑞眉厥祖泰伯仲雍逃荆蠻坐令周歷過所卜高風



五十六  
千古誰追攀惠皇畏廢出奇計四老昂藏趨殿陛呂宗覆盡  
鼎再安玉璽神光歸代邸趙王枯冢生秋蓬穀城黃石埋幽  
宮空山不聞紫芝曲白雲影沒南飛鴻

題金顯宗墨竹

天人賦物如天工墨光灑竹回天容千年勁玉寒不死清波  
照響悲吟龍烟凝草綠承華殿鬼冷秋霜月如練長毫寫影  
竹不知子夜歌殘空記面春雲一散風吹塵茫茫海色翻青  
鱗金仙淚痕愁漢月尚憐玉軸隨時新夢跨茅龍上天去女  
媧補天天不語海綃画鸞生翠羽踏破銀灣濕河鼓射龍江  
深春不度風色蕭蕭怨千古

行盧溝之南書所見

幽薊忽如九天上俯視左右分秦齊萬里南來太行遠蒼龍  
北峙飛雲低岡回一崦花柳暗川平百里風烟迷丈夫出四

自有樂人生何必常栖栖

九月十日接駕回因遊香山寺飲于西厓之上酒酣

呈主人

迎鑾北去迷風沙看山西來走煙霞蒼山朝含太古色長松  
百尺凌雲斜傑觀重樓炫金碧笑拍闌干倚天立出門却得  
望東山紅樹青林亂秋色痛飲崩厓鯨吸川徑欲醉倒秋風  
前但恨浮雲蔽白日使我不得瞻青天忽忽今年負重九樹  
老山空復何有莫將身世媿淵明縱有黃花無此酒

送友

晴雲半逐雨雲低九陌無塵共落暉滿目秋蕪悲澤國一聲  
煙鶴到巖扉西風帆飽隨天遠殘月砧寒入夢微路隔蓬萊  
鼇背闊劍光長拂海濤飛

送侯尊師



三五十四  
白鴈風高錦樹空寒郊落日滿飛蓬心遊太始鴻濛外命寄  
園穹象緯中京國輪蹄殊擾擾烟霄岐路漫恩恩青雲別後  
仙山遠何日丹砂問葛洪

奉賀李秋谷平章宿西郊

春生騎吏飛塵外便覺高情遠世紛酒泛泉香清易冽夢侵  
仙骨冷難曛珠生滄海還驚月鶴舞層霄不見雲無象太平  
今有象共欣良相遇明君

題華山太古雪贈人

太古雪石名

往時天大風能吹華山裂墜此一拳石成云太古雪粵自開  
闢初雲氣所凝結已經六萬歲變化同截業望之色正白表  
裏共澄澈塵土不能沉光彩耀日月願君勿愛此持以獻金  
闕回中避暑時可用清毒熱

李宣慰京

京字景山河間人蚤歲起家掌故樞府不數年遂長其  
幕遽坐廢大德五年春奉命宣慰烏蠻尋陞烏撒烏蒙  
道宣慰副使佩虎符兼管軍萬戶悉其見聞為雲南志  
略四卷三年而報使因以其書上之即移病歸鄉里卒  
景山於書酷好老子獨慕白樂天之為人平生為詩凡  
數百篇而雲南諸作尤為世所傳誦總題曰鳩巢漫稿  
鳩巢其自號也袁伯長謂其詩質而不倨綺而不踰韻  
衆芳之英融寄於窮厓絕域之地虞伯生謂雲南之詩  
雖悲宕動人而無怨尤忿厲之氣其所存庶幾不繆於  
古人余觀景山之自敘曰其詞或傳幸得託于中州人  
士之末其自命可知已

金沙江



雨中夜過金沙江五月渡瀘即此地兩厓峻極若登天下視  
此江如井裏三月頭九月尾煙瘴拍天如霧起我行適當六  
月末王事役人安敢避來從滇池至越雋畏塗一千三百里  
干戈浩蕩豺虎穴晝不遑寧夜無寐憶昔先帝征南日簞食  
壺漿竟臣妾撫之以寬來以德五十餘年為樂國一朝賊臣  
肆胸臆生事邀功作邊隙可憐三十七部民魚肉豈能分玉  
石君不見南詔安危在一人莫道今無賽典赤

出使雲南留別都一作京城諸公

蒼龍雙闕鬱岧峣曾侍鸞鸞一作赴早朝往事已隨塵袞袞虛  
名贏得鬢蕭蕭長林豐草空相憶瘴雨蠻煙苦見招借問都  
門門外柳為誰留著最長條此詩見元音雲南通志為李材作

過七星關

七星關上一回頭遙望鄉關路阻脩欲倚雲山攀北斗不辭  
鞍馬過南州兩厓斬壁連天起一水漂花出洞流聞道清時  
無瘴癘行人經此不須愁

過牂牁江

歸歟何日是真歸慙媿山林與願違垂老八千餘里謫回頭  
四十九年非窮邊野水黃雲渡夢裏田家白板扉珍重沙禽  
頻見下也應知我久忘機

初到滇池

嫩寒初褪雨初晴人逐東風馬足輕天際孤城煙外暗雲間  
雙塔日邊明未諳習俗人爭笑乍聽侏離我亦驚珍重碧雞  
山上月相隨萬里更多情

滇池九日

今日真成我重九誰言風俗愴吾真可無白酒招佳客尚賴  
黃花似故人終老紫桑聊自使三年瘴海未全貧不須更上



三百四十七  
高城望野樹寒鴉恨更新

越雋元日

雞人唱罷曉沈沈仙仗遙分翠殿深  
三島樓臺龍虎氣五雲  
絲竹鳳鸞音普天率土皆臣妾  
航海梯山總照臨今日南荒  
瞻北闕不勝惆悵淚霑襟

元日大理

華馬國裏逢冬至點蒼山下見新年  
飲冰嚼蘂將誰訴斷梗  
飛蓬自可憐洱水北來明似鏡  
神州東望遠如天明年此日  
知何處醉撚寒梅一泫然

天鏡閣

檻外千峰插海波芙蓉雙塔玉嵯峨  
銀山殿閣天中見黑水  
帆檣鏡裏過芳草滄洲春思晚  
野雲孤鶴客懷多共誰一夜  
山堂月洞口參差長薜蘿

點蒼臨眺

水繞青山山繞城萬家煙火一川明  
鳥從雲母屏中過魚在  
鮫人鏡裏行翡翠罌兒籠海氣  
旃檀樓閣殷秋聲虎頭妙墨  
龍眠手百瘳生綃画不成

雪山

麗江雪山天下絕積玉堆瓊幾千疊  
足盤厚地背摩天衡華  
真成兩丘垤平生愛作子長遊  
覽勝探竒不少休安得乘風  
凌絕頂倒騎箕尾看神州



文太常矩

矩字子方長沙人盧翰林摯廉訪湖南辟署書吏敬其  
才辯遇之殊常人大德間授荆湖北道宣慰司照磨兼  
承發架閣公卿聞其名留補刑部宗正轉秘書省校書  
郎延祐間陞著作郎改翰林修撰同知制誥兼國史院  
編修官至治初議遣使持詔諭安南國被選為奉議大  
夫禮部郎中佩黃金符奉使安南復命進太常禮儀院  
判官卒于京師趙松雪嘗贈詩云我友文子方其人美  
如玉文章多古意清切綠水曲吳草廬志其墓稱其文  
章歌詩雖疎宕尚氣有陳事風賦之志焉惜其未傳而  
遽止也

和甯致陶幽懷

時雨息氛翳高林嘒風蟬端居悵孤尚圖書靜當軒涼颺薄



四九三  
櫺戶微爽生簡編客來聊與樂客去自復眠徜徉永今夕庶  
以全吾天

題中慶學廟壁二首

世皇昔仗鉞汎埽開八垠茲方邇彭濮同氣皆吾人祥曦洞  
幽闇化雨清炎氛哀爾窮髮黔煦以天地春黜卉鬣冠帶鳥  
語同書文邇來六十載含哺知尊親人心異禽犢適性非難  
馴吾聞古王政不以土役民季世乃夸效畦町逾紛紛七縱  
味柔遠降女傷王尊吾元有至德萬古欽皇仁

素王萬世師國經有常祀滇南古荒服薦裸豈異禮王宮正  
南面溫厲思敬止豆籩具威儀登獻何纒纒升歌永齊商琴  
瑟散宮徵共言唐法曲歲久復憇憇一邦何足徵居夸聖所  
擬於皇人文化道大孰與比六經如日月洞照無遠邇敘秩  
敦彝倫百王同一軌邈哉天何言悠悠政如此

送馬伯庸御史奉使關隴

聖朝啓文運同軌來無方夫君起天關崛起千仞翔脩辭陋  
史漢高步追黃堂乃祖尚書君樹立何堂堂昔在帝世祖榮  
身事戎行風雲一朝會奕世傳芬芳矧君擢高科有業未易  
量斯文繫政教治忽慎弛張世豈無勇者舍君吾何望勿為  
守鉛槧局束徒苦傷僦屋京城居去君百舉趾聞君起冠廡  
僮走亦欣喜况當遠於征無言詎能已朝風號空桑衆草日  
披靡河關尚瘡痍聖度乃弘偉翳彼涵大休能不懷媿恥艱  
危見臣節維持賴風紀溫言表遺忠生氣凜不死乃知烈士  
夫豈獨魯連子

題楚山春曉圖

荆門雪霽江樹芳巫峽冉冉愁雲長山猿杜鵑叫落日風灑  
露沐何蒼涼六龍從東來曉氣開扶桑天高雨絕人事變解



環結佩空相望渚宮西  
溼連三湘画中隱隱聽鳴榔  
安得置我淒其旁為君一曲歌滄浪

次元復初韻送虞伯生代祠江瀆二首

成均十載宛一作考遺經未識沙墩長  
短亭旌旆曉霞穿  
化日文章秋月映華星  
鳥鳴春晝岷江白  
鶻沒天低隴樹青  
四海車書今混一  
摩挲劔閣重鐫銘

出宿春城宿霧低  
閱人老眼似層梯  
功名媿我蠅鑽紙  
文采憐君玉在泥  
蜀道連雲春繫馬  
巴山踏月夜聞雞  
贈言知笑瀛洲客  
冷落梅花日又西

贈別任毅夫御史行臺陝西

金天行秋河漢涼  
星軺夜起尚書郎  
隴山晴樹熙化日  
燉煌楚道霑飛霜  
天邊鸞鵠意自遠  
草間狐兔無苦傷  
丈夫樹業方如此  
探別不用愁中腸

九疊屏

吾聞匡山雲錦九疊之勝神  
所栖界天絕壁雲為梯  
鳥飛摩霄注壑不可到  
上有泰始之積雪  
下有歷劫之冰澌  
靈岫仙巖虎豹遠  
綠樹杳杳青猿啼  
蔡元君騰空子今何處  
桃花石室徧巖戶  
捫箕歷軫欲上去  
轉迷中有神君指  
仙路石梁浮空來  
浩然啟天關  
手捫五老頂  
足躡香鑪煙  
但見飛霞笑  
電搖光九道  
疊雲錦  
天河中斷摧鐵山  
何截業素浪  
決出崑崙巔  
縣流一瀉數千仞  
跳珠迸出與石恣鬪  
却上倒竹雪濤翻  
長松吹香灑晴霧  
玉泓直下含清寒  
嗚呼安得南箕為杯  
此水為酒手攜雲旗  
喚王母排獻吾君  
千萬壽  
暢皇風包九有  
七十二君同不朽  
卻容三十六帝有  
外臣盡乞南山種  
三秀清水黃塵一  
回首廬君此意今知否



郭掾郎天錫

天錫名昇以字行一字祐之別號北山丹徒人累舉不第歷鄱江書院山長調吳江儒學教授未赴江浙行省辟充掾史美鬚髯人呼為郭髯画學米南宮師事高房山得其筆法嘗往來錫山與倪高士元鎮交最久元鎮嘗有詩題其畫云郭髯余所愛詩畫總名家水際三叉路豪端五色霞米顛船每泊陶令酒能賒猶憶相過處清吟夜煮茶時至正癸卯十二月十日寫于笠澤蝸牛廬中距天錫之歿已二十餘年矣

題宋春卿城市山林

功名身外聊復爾丘壑胸中實過之盤谷壽康懷李愿輞川瀟灑友王維何人使氣鐵如意老子放懷金屈危市井收聲良夜永竹風杉月亂書帷





普照寺楚山圖

白衣處士息羣機高閣登臨送夕暉吳地荒涼征馬盡楚山  
空闊斷鴻飛畫一作圖間塲影來朱戶月落鐘聲隱翠微直下先  
人敞廬在暮年蓮社得相依

大年便面

疎雨灑荷氣微涼生柳陰閒亭不受暑坐占清湖心無客且  
罷棊有風宜披襟向來行路錯足底黃埃深此意一領略落  
日孤蟬吟

為僧作山水二首

門有方袍客圖成水墨山我非求肖似汝亦愛幽閒密樹難  
分辨高雲任往還行當絕世事終老屋三間

有客被方袍合爪前致辭不獨愛公画仍復愛公詩詩成縱  
意書了此一段奇世人稱三絕公胡不自知我心了不知晚  
歲聊嬉嬉向來用世心轉首成弃遺所嗟聞道晚倏已雙鬢  
絲前賢去已遠來哲未可期寓形宇宙間倏倏欲何之願誨  
藥石言再拜真吾師

三月十日寄了即休

白水起寒霧蒼林騰濕烟會心圖已竟假筆意難傳一悟空  
中色相忘定外禪裹茶來竹院風雨落花前

送樂伯善赴都三首

石磴雲昏筍蕨香江城花落燕鶯忙黃金臺高地形聳白玉  
堂深春日長之子顯擢神所與吾道將亨民小康臨行握手  
出軟語東鄰夜雨淋槽牀

燕趙感慨鼓俠氣江湖搖落嗟虛華艱危歷盡為憂國事業  
無成非戀家江光隱現魚龍窟雲海蒼茫鷗鷺沙桃花水長  
三月暮片帆挾雨飛天涯



篆籀堆牀窺逸跡歌詩到耳遺古音歲華正似阮孚屐世事  
真成昭氏琴翦毛肥一作脾羊快一飽泛駕駿骨輕千金暄風拂  
帽春衫薄小憩官牆楊柳陰

趙千里小景

鸚鵡喧柳陰生鵝樂清泚竹風遞荷氣長夏涼如水王孫翰  
墨仙丹青絕紈綺何當著幽人艇子沙頭樣

元暉山

灌木蔭滄洲閒雲疊層巘茅茨在咫尺徑路渾莫辨王家玉  
印章翰墨屹冠冕悵望海嶽菴禾黍西風轉

下隍朱氏竹山圖

鳳臺東南山萬里山人宴坐何從容乾坤清氣不可遏一夜  
春雷起籟龍詩家襟度蔚蕭爽百尺琅玕日應長我欲驅車  
訪此君只恐山靈杜來往

題米南宮像

海嶽菴空骨已仙風神超邁畫中傳凌雲健筆飛光怪不顧  
人間喚米顛

客有蓄青玉荷盤色奇古檠杯作蓮蓬下屈為柄上  
覆作蓋蓋十九點青質而紫章匠氏刻為蓮房殆奪  
天巧故人元復初命不肖賦詩

碧雲亭亭水天永翠蓋翻風隨秋影文姬團扇感初涼露華  
亂落明珠冷紫莖綠葉歌秋蘭涉江折得煙蓬還前緣已被  
專房誤守宮血點猶斑斑麴生解后誇奇特倒卷滄溟供一  
吸太華峰高歸路遙但覺滿懷春拍拍俗眼傲睨琉璃鍾金  
罍未用爭誇雄嗚呼古詩調高口有寡擬喚杜陵醉中把

右近詩數首書遺了堂高弟林上人昇了堂上人方外友如天錫者情為至矣故其手  
蹟盈篋每皆惜之不令有所散逸雖俗士有不及之者且勤師拳拳不忘歐公於冥冥  
中也錢  
良古跋



明妃曲

君不見王昭君家住子規啼處邨生來近住離騷國悲歌慷慨惡離羣  
紉蘭結菝佩蘅芷芝澤類面薇骨熏瑤琴慣識九歌譜懷感遠道偏消魂

夜宿山寺

客行暫憩此禪林路繞溪流石磴陰山氣入舟知夜久雨聲連樹覺村深寒添芋火增多事風落燈花息妄心憶與高僧宿靈鷲月斜松頂一猿吟

贈筆工范君用

光分顧兔一毫芒徧灑春分翰墨場得趣妙從看劍舞全身功貴善刀藏夢花不羨雕蟲巧試草曾供倚馬忙昨過山僧餘習在小書紅葉拭新霜

次韻素通甫

晚風索索酒初醒巖桂花開香滿庭掩書不讀亦不寐明暗一燈如露螢

唐摹蘭亭墨蹟

并序

唐賢摹晉右軍蘭亭宴集敘字法秀逸墨彩豔發奇麗超絕動心駭目此定是唐太宗朝供奉搨書人直弘文館馮承素等奉聖旨於蘭亭真蹟上雙鈎所摹與米元章購於蘇才翁家褚河南檢校搨賜本張氏石刻對之更無少異米老論精妙數字皆具有之毫鉉轉摺纖微備盡下真蹟一等余家舊藏趙摹搨本雖結體間有小異而義類良是然各有絕勝處要之俱是一時名手摹書前後二小半印神龍二字即唐中宗年號貞觀中太宗自書貞觀二字成二小印開元中明皇自書開元二字作一小印神龍中中宗亦書神龍二字為一小印此



印在貞觀後開元前是御府印書者張彥遠名畫記唐  
貞觀開元書印及晉宋至唐公卿貴戚之家私印一一  
詳載獨不載此印蓋猶按訪未盡也余觀唐摹蘭亭甚  
衆皆無唐代印跋未若此帖唐印宛然真蹟入昭陵搨  
本中擇其絕肖似者祕之內府此本乃是餘皆分賜皇  
太子諸王中宗是文皇帝孫內殿所祕信爲最善本宜  
切近真也至元癸巳獲於楊左轄都尉家傳是尚方資  
送物是年二月甲午重裱于錢唐甘泉坊僦居快雪齋  
神龍天子文皇孫寶章小璽餘半痕鸞飛離離舞秦雲龍驚  
蕩蕩跳天門明光宮中春曦溫玉案卷舒娛至尊六百餘年  
今幸存小臣寧敢比璵璠

趙子昂人馬圖

平生我亦有馬癖曾向畫圖求象龍曹韓已化伯時遠昂翁

筆底寫追風

李昇林泉高隱圖

爲厭繇華愛好山幽棲贏得此身閒生平已足林泉興留取  
高名滿世間

營丘江山招隱圖

健枝無冗筆樹外來江山洲渚蘆荻空斜陽澹煙鬢歸鞍倦  
危橋短蓬止荒灣業漁古云樂寧論晉宋間菰米蓴菜羹妻  
兒有餘閒坐令王李輩濡毫破天慳展玩不去手綠陰掩紫  
關浩歌滄浪辭濯我塵土顏悠悠江湖夢隱者招不還

題高尚書秋山暮靄圖

遠樹含空煙羣峰緘積翠離離雁外檣落日來天際高侯丘  
壑心點墨悟三昧我欲畫滄洲晝長枕蓬睡

題雷雨護嬰圖



四十五  
轟雷欲破山急雨撼坤軸  
母兮抱兒歸掩耳趨茅屋  
畫師巧為此村景了在目  
一時似可驚四郊想霑足  
明朝雨霽還復來平疇却看秧鉞綠

遊焦山

砥柱中流障北溟海門對勢兩峰青  
鶴歸幽竇玄煙冷龍卷江樹石腥為爾欲招蓮社侶嗟余久負草堂靈坡翁綸老之何處西日荒寒照野亭

元日登北固望金焦二山

弟兄常共屋三間元日登高北固山  
江水拍堤知雪盡晴風著面覺春還  
新年且醉一杯酒勝地同消半日間  
放目金焦天宇闊暮雲低處擁煙鬟

宿焦山上方

楊子江頭風浪平焦山寺裏晚鐘鳴  
爐烟已斷燈花落喚起

山僧看月明

龔翠巖天馬圖

龔龔畫馬師曹霸相見開元天寶年  
水滿曲江春草碧何知蜀棧上青天





李

材

材字子構京兆人詩多奇句早亡年十七與趙松雪同賦海子上即事詩松雪驚歎以為雜於唐人詩中未易辨也會客有賦十月桃者子構應聲云劉郎再來歲云暮王母一笑天回春衆皆鉗口不作詩才敏妙如此而竟不永年唐人中李長吉也

懸瓠城歌

我經懸瓠城試作懸瓠歌殘灰五百載懸瓠不復我有唐中葉失馭將退辱進危多詆謗淮西孽雛手指天百萬官兵不敢傷長安市上畫殺人司隸走藏魂膽喪晉公一語破紛紜意斷心謀神莫抗諫書不到雙闕下詔檢初成九天上煌煌日月煥斧節慘慘風雲動鞬鞞殿前虓虎神策軍愬武通顏分玉帳夜深雪花大於璧懸瓠城頭血埋仗寒威方勁弓百



釣淨影不搖旗十丈已囚狹  
 嶽山更沸再戮鯨鯢海無浪  
 蔡人不識緋衣兒劔氣磨天  
 大丞相方城大將拜道左犀  
 甲金戈光炫晃兇囂狡衆五  
 十秋白日青天破昏障兒童不  
 遣避介冑婦女爭來沽綠釀  
 入朝論功功有差晉公之功  
 無與讓英雄事往名器虛粟  
 斯嚙竟相尚外藩跋扈驕將  
 侮中禁深巖壁臣誑山東何  
 啻百少陽秦苑洛陽隨板蕩  
 我歌懸瓠辭歌聲頗悲壯嗚  
 呼唐之覆車將誰尤後人弔  
 古徒哀愴懸瓠城下流水流  
 懸瓠城邊牧笛唱懸瓠歌歌  
 已終君不見豐碑野火化為  
 土悵望文公及晉公

過黃陵廟

黃陵廟前湘水綠天寒漁郎  
 唱巴曲沙棠舟上月蒼蒼翠  
 蛟白蜃江茫茫似聞清愁五  
 十柱萬里鴻飛楓葉暮神鴉  
 翻舞祠門開珠裳玉袖霑莓  
 苔玄猿晝啼薜蘿一作蘿  
 影赤鱗夜去芙蓉冷北渚淚  
 痕斑竹紋南風哀思蒼梧雲  
 山頭古桂秋露碧山下江流  
 豈終極荒涼揭車雜杜衡靈  
 風自吹烟霧旌輕帆晚向芳  
 洲一作渚泊聊薦蘋羞奠蘭酌  
 沅有汜兮湘有沱洞庭水落  
 生層波裴回獨詠騷人歌

泊舟湘岸

乾坤清氣 作高克恭

長沙今在眼青草舊知名二  
 月風檣疾三湘雪浪平藤深  
 帝子廟花發定王城莫羨江  
 南岸一作鳴鷓鴣處處聲

游山寺

行行行復止行到白雲間見  
 客意不俗逢僧心便閒細泉  
 分別澗小逕入他山擬借禪  
 房榻追遊信宿還

壽杜侍御

黃閣老臣踵夔皋法冠蒼佩  
 陪霓旌八龍委蛇卷春水一  
 鷄搏控明秋毫華勳玉冊耀  
 天府雄章銀筆翻雲濤舉觴  
 獻壽



碧桃晚南極正與文星高

席上賦老松怪柏圖

仙人解衣礮礪羸造化慘澹秋毫端枝柯千尺入層漢笙籟  
萬壑鳴驚湍堂中日月不可老壁上雷雨何當乾我來醉臥  
北窗下夢跨黃鵠天風寒

和王御史春詩韻

鶯啼燕語花漸稀天明海碧涵晴暉洛陽臺榭春色在山陰  
衣冠昔人非夢雲何處燕瑤席舞雪誰家栽苧衣獨有倚樓  
無限意年年烟草暮鴻飛

元日賀裴都事朝回

海上瓊樓接五城人間歌吹近蓬瀛雲移豹尾旌旗暖日射  
螭頭劔戟一作佩明拜舞盡隨仙仗入退歸遙聽玉珂鳴欣欣百  
草含春意得傷東君暖處生

海子上即事

一作都門春日

馳道塵香一作紫逐玉珂彤樓花暗弄一作鼓雲和光風已轉一作漸  
洲草細雨微添一作生太液波月榭管弦鳴曙早水亭簾幕受寒  
多少年勿動傷春感喚取青娥一作蛾對酒歌此詩一作盧亘

送省郎楊耀卿使雲南

飄飄使節出金閨郭隗臺前暫解攜天入五溪無鴈到地經  
三峽有猿啼子雲舊里風煙在太尉家聲日月齊後夜客槎  
何處望秋河迢遞碧雲低

禁城秋夕

絳宮星澹海無波九陌猶聞動玉珂閭闔微雲藏夕漏建章  
明月挂秋河此身天地流萍遠故國關山落木多欲聽鈞天  
塵夢隔紫簫吹盡桂婆娑



二百卅一

方言選



